

Kirkjugarðaráð

Guðmundur Rafn Sigurðsson, framkvæmdastjóri

Engar breytingar urðu á skipan Kirkjugarðaráðs á síðasta ári, en ráðið hefur yfirumsjón með kirkjugörðum landsins og sér um úthlutun úr kirkjugarðasjóði. Í ráðinu sitja fimm fulltrúar og eru þeir: Ragnhildur Benediktsdóttir, fulltrúi biskups og formaður ráðsins, Kristín Huld Sigurðardóttir forstöðumaður Minjastofnunar Íslands, Valtýr Valtýsson sveitarstjóri tilnefndur af Sambandi íslenskra sveitarfélaga. Þórsteinn Ragnarsson forstjóri Kirkjugarða Reykjavíkurprófastsdæma og formaður Kirkjugarðasambands Íslands tilnefndur af Kirkjugarðasambandinu. Smári Sigurðsson framkvæmdastjóri Kirkjugarða Akureyrar tilnefndur af kirkjuþingi. Framkvæmdastjóri ráðsins er Guðmundur Rafn Sigurðsson landslagsarkitekt. Á vegum ráðsins starfar einnig Sigurgeir Skúlason landfræðingur og kortagerðarmaður sem sér um uppmælingu og stærðarútreikninga kirkjugarða vegna gjaldalíkans auk þess að vinna að gerð lóðarblaða uppdráttu og legstaðaskráa fyrir kirkjugarða

Starfsemi ráðsins

Á árinu voru haldnir níu fundir auk þess sem ráðið fór í sína árlega skoðunarferð,

sem í þetta sinn var til Þingvalla og um Borgarfjörð. Framkvæmdastjóri ráðsins heimsótti 85 kirkjugarða.

Styrkveitingar kirkjugarðasjóðs - framkvæmdir

Á árinu 2012 voru veittir styrkir úr kirkjugarðasjóði til 57 verkefna samtals að upphæð rúmlega 50 milljónir. Meðal helstu verkefna sem styrkt voru má nefna:

- *Kirkjubær í Hróastungu*: Helluleggja stíg og lýsa hann upp.
- *Bakkagerði*: Til áframhaldandi hleðslu um kirkjugarðinn.
- *Reyðarfjörður*: Frágangur á stækkun og umgjörð garðs.
- *Höfn*: Stækkun garðs og hlaða vegg úr gabbrói umhverfis stækkun.
- *Villingaholt*: Helluleggja stíga, grisja gróður og endurbæta lýsingu.
- *Þingvellir*: Ljúka við hleðslu og lagfæringu á garði.
- *Kirkjugarðar Keflavíkur*: Til endurbóta á Hólmsbergskirkjugarði.
- *Kirkjugarðar Reykjavíkur*: Til uppbyggingar duftsgarðs í Sóllandi og í Kópavogi.
- *Lundur*: Til áframhaldandi hleðslu um garðinn.

- *Breiðabólstaður Skógarströnd*: Greiða niður skuld vegna framkvæmda.
- *Bolungarvík*: Uppsetning girðingar um stækkun garðsins.
- *Prestbakki Hrútafirði*: Garður stækkaður og girðing og sáluhlið endurnýjað.
- *Spákonufell við Skagaströnd*: Vegna gagngerra endurbóta.
- *Bólstaðarhlið*: Bæta aðgengi og endurnýja sáluhlið.
- *Ólafsfjörður*: Hækka og endursteypa norðurvegg kirkjugarðsins.
- *Kirkjugarðar Dalvíkur*: Ljúka við að endurnýja girðingar á Dalvík og Upsum.
- *Kirkjugarðar Laugalandsprestakalls*: Endurnýja umgjörð og hlið á Saurbæjarkirkjugarði.
- *Svalbarðseyri*: Lagfæra garðflöt, stíga og lýsa upp garðinn.
- *Póroddsstaðir*: Greiða niður skuldir vegna gagngerra endurbóta.

Á árinu var unnið við lagfæringu og hirðingu á nokkrum niðurlögðum görðum t.d. í Klausturhólum, Reynir í Mýrdal, Skálmanesmúla, Selárdal og gamla garðinum á Hvanneyrahóli á Siglufirði,

Auk áðurtalinna styrkja fékk Kirkjugarðasamband Íslands styrki til reksturs á vefnum gardur.is, og til fræðslumála samkvæmt þjónustusamningi sem í gildi er milli Kirkjugarðaráðs og Kirkjugarðasambandsins

Kirkjugarðar sem ferðamannastaður (áningastaður)

Í vinnuferðum um landið undanfarin 20 ár hefur undirritaður ekki komist hjá því að taka eftir fjölgun ferðamanna í kirkjugörðum og þá er sama hvort um er að ræða kirkjugarð í fjölmennri eða fámennri sókn. Margir þessara staða hafa verið kirkjustaðir til margra alda og því þekktir úr Íslandssögunni og því eðilegt að ferðamenn heimsæki þá til að kynna sér sögu þeirra. Nú er vinsælt að tala um menningartengda ferðaþjónustu og nauðsyn þess að auka hana hér á landi. Kirkjustaðir og þá um leið kirkjugarðar geta auðveldlega tengst slíkri ferðamennsku, en þá er líka mikilvægt að tryggja þeim nægilegt fé til að að hægt sé að hirða þá með natni og

Kirkjugarðurinn á Þingvöllum



sýna með stolti. Í gegnum árin hefur kirkjugarðasjóður veitt styrki til að bæta aðgengi og fegra ásýnd kirkjugarða og grafreita víða um land. En betur má ef duga skal og ef þróunin verður sú að farið verður að taka gjald af ferðamönnum fyrir að skoða landið

er ekki óeðlilegt að sóknir/kirkjugarðsstjórnir á sögustöðum hafi möguleika að sækja um styrk úr þeim sjóðum sem þá verða til, til að bæta aðstöðu vegna móttöku ferðamann enda má með sanni segja að margir þessara staða séu orðnir fjölsóttir ferðamannastaðir í dag.
